

040.0153.04.04.2000

«Վալերացիում ԵՄ»  
Հայաստանի Հանրապետության  
Խախագան Ռ. ՔՈՉԱՐՅԱՆ  
4 ապրիլի 2000 թ.

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

4 ապրիլի 2000 թվականի N 153  
Բաղ, Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՑԻ  
ԱՆԴԱՄՈՒԹՅԱՆ ԵՐԿԱՍՏԻՃԱՆ ՀԱՄԱԿԱՐԳ ՍԱՀՄԱՆԵԼԸՈՒ ԵՎ  
ԹՂԹԱԿԻՑ ԱՆԴԱՄՆԵՐԻ ԸՆՏՐՈՒԹՅՈՒՆՆԵՐ ԱՆՑԿԱՑՆԵԼՈՒ ՄԱՍԻՆ

Հայաստանի Հանրապետության կառավարությունը որոշում է.

1. Սահմանել Հայաստանի Հանրապետության գիտությունների ազգային  
ակադեմիայի ակադեմիկոսների և թղթակից անդամների անդամության երկ-  
աստիճան համակարգ:

2. Հայաստանի Հանրապետության կառավարության 1994 թվականի մա-  
յիսի 2-ի «Հայաստանի Հանրապետության գիտությունների ազգային ակա-  
դեմիայի ժամանակավոր օրինադրությունը հաստատելու մասին» N 205 որոշ-  
ման մեջ կատարել հետևյալ լրացումները՝

որոշմամբ հաստատված Հայաստանի Հանրապետության գիտություննե-  
րի ազգային ակադեմիայի ժամանակավոր օրինադրության՝

ա) 11-րդ կետի առաջին պարբերությունը «ՀՀ ԳԱԱ-ի ակադեմիկոսներից»  
բառերից հետո լրացնել «թղթակից անդամներից» բառերով.

բ) 12-րդ կետի «դ» նենթակետը «ՀՀ ԳԱԱ-ի ակադեմիկոսները» բառերից  
հետո լրացնել «թղթակից անդամները» բառերով.

գ) 28-րդ կետը «ՀՀ ԳԱԱ-ի ակադեմիկոսներից» բառերից հետո լրացնել  
«կամ թղթակից անդամներից» բառերով.

դ) 35-րդ կետի շորրորդ պարբերությունը «ՀՀ ԳԱԱ-ի ակադեմիկոսներից»  
բառերից հետո լրացնել «և թղթակից անդամներից» բառերով.

ե) 40-րդ կետը «ակադեմիկոսները» բառից հետո լրացնել «թղթակից ան-  
դամները» բառերով.

զ) 42, 43, 46-րդ կետերը և 48 կետի շորրորդ պարբերությունը «ՀՀ ԳԱԱ-ի  
ակադեմիկոսների» բառերից հետո լրացնել «և թղթակից անդամների» բառե-  
րով.

է) 44-րդ կետը «ՀՀ ԳԱԱ-ի ակադեմիկոսների» բառերից հետո լրացնել  
«թղթակից անդամների» բառերով.

ը) 45-րդ կետի երկրորդ պարբերությունը «ՀՀ ԳԱԱ-ի ակադեմիկոսի»  
բառերից հետո լրացնել «և թղթակից անդամի», իսկ «ՀՀ ԳԱԱ-ի ակադեմի-  
կոսներին» բառերից հետո «և թղթակից անդամներին» բառերով.

թ) 41-րդ կետն առաջին պարբերությունից հետո լրացնել հետևյալ բովանդակությամբ նոր պարբերությամբ.

«Հայաստանի Հանրապետության գիտությունների ազգային ակադեմիայի թղթակից անդամ ընտրվում են այն գիտնականները, ովքեր գիտությունը հարստացրել են առաջնակարգ գիտական նշանակություն ունեցող աշխատանքներով».

ժ) 47-րդ կետն առաջին պարբերությունից հետո լրացնել հետևյալ բովանդակությամբ նոր պարբերությամբ.

«Հայաստանի Հանրապետության գիտությունների ազգային ակադեմիայի թղթակից անդամների թեկնածուների ընտրության ժամանակ բաժանմունքի ընդհանուր ժողովում վճռական ձայնի իրավունք ունեն տվյալ բաժանմունքի՝ Հայաստանի Հանրապետության գիտությունների ազգային ակադեմիայի ակադեմիկոսները և թղթակից անդամները».

ժա) 48-րդ կետն առաջին պարբերությունից հետո լրացնել «Բաժանմունքի ընդհանուր ժողովն իրավազոր է անցկացնելու ՀՀ ԳԱԱ-ի թղթակից անդամների թեկնածուների ընտրություններ, եթե քվեարկությանը մասնակցում է տվյալ բաժանմունքում ընդգրկված ՀՀ ԳԱԱ-ի անդամների ընդհանուր թվի առնվազն երեք քառորդը», իսկ հինգերորդ պարբերությունից հետո «ՀՀ ԳԱԱ-ի թղթակից անդամի թեկնածու են համարվում այն անձինք, ովքեր ստացել են առավելագույն թվով ձայներ, բայց ոչ պակաս, քան տվյալ բաժանմունքի քվեարկության ցուցակում ընդգրկված ՀՀ ԳԱԱ-ի անդամների թվի երկու երրորդը» նոր պարբերություններով.

ժբ) 49-րդ կետի՝

առաջին պարբերությունը «վճռական ձայնի իրավունք ունեն ՀՀ ԳԱԱ-ի ակադեմիկոսները» բառերից հետո լրացնել «իսկ թղթակից անդամ ընտրելիս՝ ՀՀ ԳԱԱ-ի ակադեմիկոսները և թղթակից անդամները», իսկ «ՀՀ ԳԱԱ-ի ակադեմիկոսների» բառերից հետո՝ «և թղթակից անդամների» բառերով.

երկրորդ պարբերությունը լրացնել հետևյալ բովանդակությամբ նոր նախադասությամբ.

«Հայաստանի Հանրապետության գիտությունների ազգային ակադեմիայի թղթակից անդամ ընտրված են համարվում այն անձինք, ովքեր ստացել են ցուցակային կազմի մեջ ընդգրկված Հայաստանի Հանրապետության գիտությունների ազգային ակադեմիայի անդամների ձայների պարզ մեծամասնությունը»:

3. Հայաստանի Հանրապետության գիտությունների ազգային ակադեմիային՝ եռամսյա ժամկետում՝

ա) անցկացնել Հայաստանի Հանրապետության գիտությունների ազգային ակադեմիայի 24 թղթակից անդամի ընտրություններ.

բ) սահմանված կարգով Հայաստանի Հանրապետության կառավարություն ներկայացնել առաջարկություն Հայաստանի Հանրապետության գիտությունների ազգային ակադեմիայի ակադեմիկոսների ու թղթակից անդամների առավելագույն թիվը սահմանելու և այդ կապակցությամբ Հայաստանի Հանրապետության 2000 թվականի պետական բյուջեով Հայաստանի Հանրապետության գիտությունների ազգային ակադեմիայի համար նախատեսված միջոցների վերարաշխում կատարելու վերաբերյալ:

4. Ուժը կորցրած ճանաչելի Հայաստանի Հանրապետության կառավարության 1996 թվականի մարտի 5-ի «Հայաստանի Հանրապետության գիտությունների ազգային ակադեմիայի անդամության երկաստիճան համակարգից միաստիճան համակարգի անցնելու մասին» № 73 որոշման 1-ին կետը:

Հայաստանի Հանրապետության  
վարչապետ

Ա. ՍԱՐԳՍՅԱՆ